

AKHBAR : BERITA HARIAN

MUKA SURAT : 20

RUANGAN : ISU

→ ISU



Kakitangan Pejabat Kesihatan Daerah Alor Setar memeriksa premis perniagaan di Jalan Tunku Ibrahim berikutan 14 mangsa menghidap chikungunya.

Peniaga bimbang chikungunya merebak

→ Pembuangan sampah penagih, gelandangan punca kawasan kotor



Dr Norhizan Ismail

Oleh Noorazura Abdul Rahman
bhnews@bh.com.my

Alor Setar

Peniaga beroperasi di deretan rumah kedai di Jalan Tunku Ibrahim dan Jalan Langgar berhampiran City Plaza di sini, bimbang penagih chikungunya yang disyaki menjangkiti 14 penduduk di situ, merebak lebih teruk.

Penjual rempah ratus, Mohd Yassin Naina Mohamed, 62, berkata ada kedai terbiar yang terbengkalai sejak 12 tahun lalu bersebalahan premisnya yang dipercayai menjadi tempat pembiakan aedes.

"Sebagai peniaga produk yang menjadi warisan sejak 80 tahun lalu, saya sentiasa bertanggungjawab menjaga kebersihan kawasan premis, namun akibat pembuangan sampah oleh penagih dan gelandangan, kebersihan di kawasan ini sukar dikawal.

"Apabila sudah jadi begini, saya pun risau penyakit ini merebak. Memang ada pekerja syarikat pengurusan sisa, E Idaman yang membersihkan longkang di kawasan ini, tapi apabila sudah jadi tempat penagih, mereka akan buang sampah begitu saja.

"Saya harap selepas ini semua peniaga akan lebih berhati-hati dan bersama-sama menjaga kebersihan kawasan sekitar," katanya ketika ditemui, semalam.

Peniaga kedai gambar, Wan Chan Foong, 39, berkata dia disyaki mengidap penyakit itu dua minggu lalu selepas beberapa rakan peniaga dan pe-

kerja mereka turut disyaki dijangkiti.

"Lima ahli keluarga saya turut demam seorang demi seorang. Mula-mula saya sakit tulang, lenguh bahagian lutut, kemudian mula demam selepas Maghrib. Begitu juga dengan isteri, dua anak kami serta ibu bapa saya yang turut mengalami sindrom sama.

Rawatan di klinik swasta

"Kami kemudian mendapatkan rawatan di klinik swasta sebelum dirujuk ke Hospital Sultanah Bahiyah (HSB) untuk pemeriksaan darah. Doktor mengesyaki kami mengalami demam chikungunya," katanya ketika ditemui.

Peniaga bimbang penyakit merebak, dakwa pembuangan sampah punca kejadian.

Sementara itu, Pengarah Jabatan Kesihatan Negeri Kedah, Datuk Dr Norhizan Ismail dalam satu kenyataan semalam, berkata 14 pesakit terbahit berusia 35 hingga 50 tahun yang mempunyai simptom demam, sakit sendi yang teruk dan ru-

am. "Siasatan awal mendapati gejala itu bermula pada 9 Jun lalu dengan kebanyakan pesakit mendapatkan rawatan pesakit luar di klinik swasta sekitar Alor Setar dan dilaporkan stabil. Mereka disyaki menghidap chikungunya, namun jabatan ini tidak menolak kemungkinan penyakit lain.

"Siasatan lanjut masih dijalankan termasuk menghantar sampel untuk ujian di Makmal Kesihatan Awam Kebangsaan Sungai Buloh, Selangor," katanya dalam satu kenyataan.

AKHBAR : HARIAN METRO

MUKA SURAT : 13

RUANGAN : SETEMPAT

14 disyaki hidap chikungunya

■ Sampel pesakit derita demam, sakit sendi teruk dihantar untuk ujian makmal di Sungai Buloh

Muhammad Hafis Nawawi
Mhafis@hmetro.com.my

Alor Setar

Jabatan Kesihatan Kedah sudah menghantar sampel untuk ujian makmal membabitkan 14 pesakit yang disyaki menghidap chikungunya.

Pengarah Jabatan Kesihatan Kedah Datuk Dr Norhizan Ismail berkata, siasatan dijalankan dengan segera oleh Pejabat Kesihatan Daerah Kota Setar setelah menerima maklumat sosial.

Menurutnya, siasatan awal mendapati seramai 14 pesakit berusia antara 35-50 tahun disyaki menghidap chikungunya di kawasan kedai di Jalan Tunku Ibrahim dan Jalan Langgar berhampiran City Plaza di sini. Mereka mempunyai demam, sakit sendi dan ruam.

FAKTA
Gejala awal didapati bermula pada 9 Jun lalu



RUMAH kedai di Jalan Tunku Ibrahim berhadapan dengan City Plaza yang menjadi tempat tinggal 14 pesakit disyaki menghidap chikungunya.

"Pejabat Kesihatan Daerah Kota Setar tidak menerima sebarang notifikasi daripada klinik yang merawat mereka berkaitan kes berkenaan," katanya dalam satu kenyataan di sini, semalam.

Dr Norhizan berkata, siasatan awal berdasarkan tanda dan gejala berkenaan memang mengesyaki mere-

ka berkemungkinan menghidap chikungunya.

"Bagaimanapun, jabatan ini juga tidak menolak kemungkinan disebabkan penyakit lain.

"Sehubungan itu, siasatan lanjut masih dijalankan termasuk menghantar sampel untuk ujian makmal di Makmal Kesihatan Awam

Kebangsaan Sungai Buloh di Selangor," katanya.

Menurutnya, Pejabat Kesihatan Daerah sudah dan sedang menjalankan tindakan pencegahan dan kawalan mengenainya.

"Orang ramai yang mempunyai gejala demam dan sakit sendi terutama penduduk di kawasan Jalan



KAKITANGAN Pejabat Kesihatan Daerah Kota Setar menunjukkan sampel jentik-jentik yang diambil di premis perniagaan terbengkalai di Jalan Tunku Ibrahim.



KAKITANGAN Pejabat Kesihatan Daerah Kota Setar membuat pemeriksaan di premis perniagaan di Jalan Tunku Ibrahim.

Tunku Ibrahim sekitar City Plaza dinasihatkan untuk mendapatkan rawatan lanjut di fasiliti kesihatan yang berdekatan.

"Maklumat lanjut perkembangan kejadian ini akan dimaklumkan dari semasa ke semasa dan orang ramai dinasihatkan untuk mengelak membuat speku-

lasi mengenainya," katanya.

Menurut Dr Norhizan, Jabatan Kesihatan Negeri Kedah meminta semua pihak terutama masyarakat setempat dalam tindakan pencegahan untuk menghapuskan tempat pembiakan nyamuk aedes demi mencegah jangkitan chikungunya, denggi dan zika.

AKHBAR : SINAR HARIAN

MUKA SURAT : 40

RUANGAN : NASIONAL

14 individu disyaki hidap chikungunya

ALOR SETAR - Seramai 14 individu yang mendiami rumah kedai berhampiran City Plaza dekat sini, disyaki mengidap penyakit chikungunya selepas mempunyai simptom demam, sakit sendi yang teruk dan ruam.

Pengarah Kesihatan Kedah, Datuk Dr Norhizan Ismail berkata, Pejabat Kesihatan Daerah (PKD) Kota Setar tidak menerima sebarang maklumat berkaitan kes terbabit, namun menjalankan siasatan segera selepas kes itu tular di media sosial sejak kelmarin.

Menurutnya, siasatan awal mendapati 14 pesakit terbabit berumur lingkungan 35 hingga 50 tahun telah mendapatkan rawatan sebagai pesakit luar di klinik swasta sekitar Alor Setar, dan dilaporkan dalam keadaan stabil.

"Gejala awal bermula pada 9 Jun lalu, siasatan awal pula dibuat berdasarkan gejala berkenaan dan mengesyaki mereka mungkin menghidap penyakit chikungunya, namun kita tidak menolak kemungkinan penyakit lain," katanya dalam satu kenyataan media di sini semalam.

Dr Norhizan berkata, siasatan lanjut masih dijalankan termasuk menghan-

tar sampel untuk ujian makmal di Makmal Kesihatan Awam Kebangsaan Sungai Buloh, Selangor.

"Pejabat Kesihatan Daerah turut menjalankan tindakan pencegahan dan kawalan antaranya pengesanan kes secara aktif di sekitar kawasan terlibat," katanya.

Menurutnya, promosi kesihatan kepada penduduk setempat turut digiatkan selain pemeriksaan dan pemusnahan tempat pembiakan nyamuk aedes.

Beliau berkata, orang ramai yang mempunyai gejala terbabit terutama

penduduk di kawasan Jalan Tunku Ibrahim sekitar City Plaza dinasihatkan mendapatkan rawatan lanjut.

Katanya, untuk mencegah chikungunya, masyarakat diminta membersihkan persekitaran serta memusnahkan tempat pembiakan nyamuk aedes pada setiap minggu.

Penyakit chikungunya adalah disebabkan virus chikungunya yang disebarkan oleh nyamuk aedes.

Mereka yang dijangkiti akan mengalami demam, ruam, sakit badan dan sakit sendi.



AKHBAR : UTUSAN MALAYSIA

MUKA SURAT : 11

RUANGAN : DALAM NEGERI



KAKITANGAN Pejabat Kesihatan Daerah Kota Setar melakukan pemeriksaan dan pengambilan sampel di lokasi disyaki tempat pembiakan jentik-jentik aedes di sebuah kawasan rumah kedai terbiar di Alor Setar, semalam.

14 dikesan ada tanda Chikungunya

ALOR SETAR 23 Jun - Seramai 14 penduduk di deretan rumah kedai berhampiran sebuah pusat beli-belah di sini disyaki menghidap penyakit Chikungunya selepas mengalami demam, sakit sendi dan ruam sejak 9 Jun lalu.

Pengarah Kesihatan negeri, Datuk Dr. Norhizan Ismail berkata, Jabatan Kesihatan negeri dimaklumkan berhubung kluster kes itu yang ditularkan melalui media sosial semalam.

"Siasatan telah dijalankan dengan segera oleh Pejabat Kesihatan Daerah (PKD) Kota Setar dan siasatan awal mendapati 14 pesakit dikesan di sekitar rumah kedai tersebut.

"Mereka yang berusia antara

35 hingga 50 tahun itu mengalami tanda-tanda sejarah demam, sakit sendi yang teruk dan ruam dengan gejala awal bermula pada 9 Jun lalu," katanya dalam satu kenyataan di sini hari ini.

Tambah Dr. Norhizan, kebanyakan pesakit mendapatkan rawatan pesakit luar di klinik swasta di sekitar Alor Setar dan keadaan mereka dilaporkan stabil.

"PKD Kota Setar tidak menerima sebarang notifikasi kes berkaitan. Walaupun berdasarkan siasatan awal tanda dan gejala berkenaan mengesyaki mereka menghidap Chikungunya, namun Jabatan Kesihatan negeri tidak menolak kemungkinan mereka

menghidap penyakit lain.

"Sehubungan itu, siasatan lanjut masih dijalankan termasuk menghantar sampel untuk ujian makmal di Makmal Kesihatan Awam Kebangsaan Sungai Buloh," jelasnya.

Ujar beliau, PKD juga menjalankan tindakan pencegahan dan kawalan seperti pengesanan kes secara aktif serta melakukan pemeriksaan dan pemusnahan tempat pembiakan nyamuk aedes di sekitar kawasan terlibat.

Tambahnya, penyakit Chikungunya adalah disebabkan oleh virus Chikungunya yang disebarkan oleh nyamuk aedes iaitu nyamuk sama yang menyebarkan demam denggi.